

一  
飄  
齊  
詩  
存

王光庵實存明初以道自守太  
善欲薦之佯狂以免善造其廬  
遙謂曰勿驚我毋遂踰垣出後養母  
以終其身是光庵固隱人也亦孝子  
也而餘事長於詩人以詩人目之又  
逃於醫人以醫人目之夫光庵之真  
矣吾友薛子生白遊橫山葉先生之  
門自少已五於詩既長託於醫得食

序

一

詩  
卷  
之  
一  
王  
光  
庵  
詩  
序

以養其二人後母氏年既高昕夕侍  
養有司欲薦之出不應是生白隱居  
與光庵同養親與光庵同能詩而以  
醫自晦與光庵同而五八法解繪事  
至馳騁於騎射乃稍之閒又有能光  
庵之所不能者則以詩概其生平且  
不可況於醫乎顧吳中人士與生白  
言詩者歎多生白詩亦曰益富其門

下士傳寫卷軸屬予論定發而讀之  
綺麗者本飛卿鑄鏡荒幻者本昌谷  
平易者本樂天東坡而最上者則又  
闢入盛唐壺輿是生白之生平難以  
一端概者而生白之詩亦難以一驪  
盡之則生白固今人中之先庵也予  
嘗讀晉史王羲之傳其深識博學奇  
課偉節直與蔡謨溫嶠相埒而後之

月二  
眇識者若逸少於書學之外別無所  
長假令覈逸少於今應必自悔其以  
書學擅名者也讀生白詩者勿使生  
白自悔其能詩則知其詩即知其人  
并可吟知先庵之詩與人也夫甲寅  
冬日學弟沈德潛題於婁東之舍清  
別墅

一瓢齋詩存目錄

第一卷

古體二十首

第二卷

長詩三首

第三卷

五律七十八首

第四卷

七律六十四首

第五卷

五絕十二首

第六卷

七絕八十八首

一瓢齋詩存

河津薛雪生白

射魚曲

四尺長弓一尺鏃猿臂常稱挹婁族脚踏驚濤手挽  
強爲君盡取涸鱗戮蛟龍失色鯨鯢愁鼉鼓逢逢震  
不休樓櫓如雲海天黑神人更在海西頭

虎力蠻渠挾弓矢洶洶欲詣仙山址天吳無聲夔魍  
奔蛟宮深閉馮夷恥白雨斜飛簇怒濤寒星一點穿  
眸子斷取神鰲駕海梁不信人間祖龍死

張靜婉采蓮曲

香塵不動紋絲輕翠袖曉鄣風露清痴雲冉冉抱紅



白同上蘭橈各有情歌聲驚起鴛鴦宿擊碎琉璃剪  
煙皺拾羽神人隔浦看鏡裏腰圍一尺六碧玉亭亭  
對影嬌空房獨語紅難銷朝戲東西暮南北錦鱗頰  
尾皆道遙懷中自有青蓮子平生甘守風波死不盡  
牽留徹骨絲拘莖作寸常如此願君切莫重新粧看  
取盈盈舊斷腸千里浮萍逐流浪夢回漏滴薜蘿香

海上謠

海水遠於天三山居海窟回風颺素旗往往煙雲裏  
玉骨蛻飛龍琳琅積如砥渺渺柏梁臺颺車或來止  
燒盡九枝燈叉手不得語茂陵長楸斫作新年年碧  
浪翻紅塵

織錦詞

脉脉新蟾下列堞清宵弱腕聲初怯一寸芳心萬縷  
絲迢迢莫盡機中鐻丁丁玉漏催金梭未省纏頭意  
若何纔罷燒燈歌樂世又添甲煎舞天魔大莫小莫  
不易出鉅鹿傳來六十日滿眼葡萄淚點紅對對鴛  
鴦自成匹

塞寒行

長刀鍊甲白於水雄飛呼雌鴈聲起金羈駮裹骨如  
山朔風獵獵穿眸子遠峰轟斷野雲連萬里流沙塵  
漲天雲開塵破逗昏日蛟龍亂走雷駢闐彩毫點染  
凌煙上碧血叢中失飛將白頭悵望魑不歸空拋錦

字如花樣

角聲嗚嗚鼓聲死霜壓流沙淨如水宮錦年年作戰袍  
白頭半屬良家子朝撚雕翎夜枕戈身將鏖騎屯長河  
萬里堅冰虜無跡君恩意氣皆蹉跎青樓紅粉當時別  
握手無言心斷絕帶得餘香上繡鞍朱顏凋盡天山雪

比梅詞

亭亭淥水旁淡淡雪衣裳立月稜稜瘦郵風瑟瑟香  
露寒噤鄭重夜永夢淒涼疎影橫孤館斜行遠曲廊  
宓妃波濺襪湘女玉為妝驚翠開眉黛殘陽照額黃  
月移蓮步穩風度珮聲長密貯宜金屋慵多趁象床

難銷守宮血欲斷舞鸞腸射雉方形笑屢葵未諱傷  
長門終悔泣肥婢更專房美酒臨卽賣無言息國亡  
新詞欺狎客誤曲顧周郎芳艸三春鬪瓊鈎五夜藏  
丹砂聊戲蔡條脫猥遺羊枕好珊瑚滑梁高玳瑁光  
素絃傳怨斷冷語費猜詳曉汲凭金井宵歸履玉霜  
鈿分判帝譴熊逸擬身當怕有斯須別曾無頃刻忘  
豈嫌朝霧毒寧避夕風狂裊裊迷韓蜨輕輕點壽陽  
詩人肯相許零七總何妨

題春郊試馬圖

麗艷腰懸三尺水驂騮嘶踏春風起蠹老青編一片  
心傾向良工雙腕在桃花柳花撩亂飛銅鞮廣陌游

人稀欲行不行向何許伯勞燕聲相違思牽白日  
去堂堂蕙蕊蘭苔吹故香趑趄霜蹄莫辛苦絕勝占  
嗶秋螢光

春洲曲

波光草色迷遠天雙雙溪勅何流連徐娘曉起春意  
閒慵情欲向水底眠錦袍公子踏春醉綠楊影裡搖  
金鞭額黃吹落東風前嬌鶯不語飛晴煙杏花漠漠  
照人面露啼珠淚清娟娟

聽友人彈琴歌

嶧陽孤桐石上生爲君裁作聲泠泠東家嬌娘春睡  
且寶釵敲斷芙蓉屏桃花李花落無力鳳皇遠指江

娥泣關門楊柳一千里角動瑤天月如水昵昵一曲  
商換羽夢破殘燈淚紅雨神山神嫗有步武潑刺潛  
魚鳥歌舞清風颯颯滿大宇幽蘭叢竹無塵土吁嗟  
古人不復作請君翻入琵琶譜

三絃曲

濃樹作陰天一色疎雨初收月初白三絃不是尋常  
聲孤館愁人聽不得玉盤歷落亂鮫珠點滴冰壺承  
琥珀風裳雨佩來煙魂窈窕西陵冷幽魄莫教彈與  
關山卒平沙浩浩無阡陌煙魂幽魄復可尋關山月  
冷思鄉國

聽友人彈琵琶行

酒酣結隊參差行，衡門剝啄聲丁丁。主人出迎客入，  
揖軒軒滿座，皆狂生。吾聞主人琵琶天下無，請彈一  
曲，娛狂徒。主人不辭，客悄然。沉沉蠟燒茱萸煙，此時  
調絃初轉軸。已撒明珠憂崑玉，旋成曲調，旋有情恍  
恍。疑聞出谷鶯，隨手一彈三四解。口嚼銛蘆吹出塞，  
再彈亂走百萬兵。雜雜嘈嘈，鑊甲聲串珠，不斷抹復  
挑。劃然一擘如魚跳，就中却起鄉關思。夢怯西風胡  
馬驕，金撥將收聲不歇。悠揚宛轉成幽咽，哽哽淒淒  
無限情。樓頭少婦心中血，主人與客各無語。西窗殘  
月如殘雪。

悲秋

悲秋客心爲秋死濃雲壓簷草蛩語葉飛雨捲亂空  
庭一夜西窗無故紙猿聲急斷曉來天只得香奩金  
鴨眠披塵對鏡問雙鬢何術使爾當重玄秋潭滴滴  
作蛟螭牛衣卧對南冠泣籠中雙鳥促昔薄血染楓  
林青女出長宵搗練誰家娥有客無衣牽薜蘿悽風  
冽冽不成寐斷毫爛石徒吟哦敲針作釣投怒濤水  
雲豁開連六鰲安能無名復無利君不見銅柱將軍  
讒薏苡

游乳泉洞入石雲復登蓮華巖至白雲洞

渴掬乳泉飲坐聽山禽哢再憇復再登漸失同游衆  
風來老樹香雲起危巒動攀緣絕人境回頭謝塵夢



仙人不可即，玄鶴何年控。落日淡寒烟，茫茫堪一慟。  
攝衣下層岡，白雲封古洞。

擬古二首

昨日所冠蓋，非其儔。耽耽磨刃牙，蜿蜿盤銛鈎。  
人生行易邁，悄悄舍深憂。翻然搏猛虎，遂復刺潛虬。  
閉門頗著述，出門展良猷。令名垂至今，厥躬可不脩。  
東隅或自失，桑榆誠足收。丈夫貴折節，吾心儀孝侯。  
侯嬴昔抱關，骨相自昂藏。朱亥鼓屠刀，意氣徒慨慷。  
毛公縱飲酒，袒跣呼空囊。薛公亦奇士，栖栖賣甘漿。  
濁世不見知，四子無所長。攝衣登上座，立談傾侯王。  
片言悟其主，掃却秦軍強。人生時未達，謀生恒不臧。

一朝建偉烈，齒頰有餘芳。

題蘭影

子昂工畫葉石傲挺秀骨，所南善畫花月半吐青霞。  
此是黍谷句語大而非誇，老夫花葉俱不能解寫蘭。  
影相交加，往往背燈坐長夜，忽忽滿紙生空花。此中  
幽意向誰說，隨手散去徒咨嗟。

戊申春暮新霽後與諸同學山游竟日，歸舟漫

作

宿雨洗空翠，山花半零落。春服既輕揚，川原歷糾錯。  
嫩綠未成煙，橫流赴回壑。鼓勇奮雙屐，絕巘探靈藥。  
歸舟盡餘醅，盤餐列藜藿。顧我會素心，平生脫羈絡。

一 瓢齋詩存

河津薛雪生白

月蝕

庚戌尾火初昏中斗杓插入青羊宮恰當三五桂輪  
滿忽有恠物來翳蒙吳質擲斧砍不得玉兔曳杵奔  
無踪一絲一線漸分寸或進或退恣梟雄須臾掩破  
半面粧宛然一搭煤炆烘瑤天慄慄淡寒碧銀河耿  
耿橫長空吾聞玉川生昌黎伯二公鼓吹弄唇舌道  
是蝦蟇精梯雲上天闕張彼嚙口吻吃却天邊月又  
云日月天之目偏盲安得覩萬物吾意有目不能別  
妍媸終歲睜睜不如瞎又責二十八宿不相救星辰

歷歷受指摘低頭怨將軍奮袂惱執法罵倒三台與  
紫微咒殺六禽和太白吁嗟三公誠腐儒不知此月  
自作孽有時自倨十分滿列曜清輝盡埋沒又恃平  
行天表高不及那愁大地相傾軋一朝數窮度窄無  
避處遭此凶灾禍奇特羣真點頭暗歎息百神袖手  
旁觀立昔日光芒孰敢爭今望何人出死力惟有下  
土蟣虱臣冒昧稽首再拜愬天願出胸中鐵為天誅  
磔逆天賊其如一身血肉擺不脫何由得排風御氣  
登闔闔昌黎伯玉川生前輩與後輩同是一浮名公  
言不公公莫言我言至公公細聽春秋既不重月蝕  
可知高滿當自傾聖人察義理豈比常人情舉頭長

嘯激瓊宇依然一片清光明

長至

陽回萬象轉鴻濛造物甄陶有至公  
六管灰飛推亞歲八音鸞奏報成功  
昌期不廢徵能士景福還因識候風  
天上星躔初改度地中雷氣已潛通  
常調玉燭祥光煖共仰金甌化日紅  
草野何由知帝力繡床弱線漸添工

元旦春

雍正甲寅

正朝臨四始瑞色靄芳辰殘臘寅前盡  
青陽子後新履端瞻麗日布德惠烝民  
令節本三統時盤晬五辛條風初應律  
泝氣已薰人不是天行健何知化被真

謳歌同獻歲常樂太平春

一瓢齋詩存

河津薛雪生白

雨後登翠峰寺訪芳傳上人

客裡秋陰久衝泥叩竹關風歛煙外樹雲沒雨中山  
半偈如相許平生未易閑試聽巖下水何事亦潺潺

綠柳軒送春分韻

得枝字

誰遣韶光盡愁兼風雨時那堪今日別又作隔年期  
芳艸侵游屐飛花罨故枝祇應明鏡裡白髮苦難辭

輓獨往山人黃畫師

尊古

一別遂千古難留獨往身谿山無逸客面目孰傳真  
溥海論交義憑棺幾故人只應九泉下董巨最相親

梅岑病起寄慰

共是兄將弟高堂侍老親不因甥似舅那復病兼貧  
與世慚余拙論書羨爾神前期方拭目莫遣兩眉顰  
和王融公移寓作

東坡謫居儋州官房民舍不令棲息手自結茅以  
蔽風雨昨讀佳什偶忘原韻漫拈請政仿古人和  
題不和韻之意耳

久矣門羅雀何妨竹作關此身原逆旅隨地是家山  
裘被無餘暖琴書只破閑時人渾不信野老日追攀  
隋甑何須顧飄蓬亦自由登臨無勝地浹洽有沙鷗  
巷僻門依樹風高葉戰秋把茅猶不穩踪跡似儋州



山塘偶感

茲地留棠蔭曾看不日成羈栖聊有託翦伐太無名  
事異滄桑變誰忘物我情只應茅屋下夢穩布衣輕

許雪村太史樞過胥江

蚤第成何事詩名掩一官全家經郡郭終日自飢寒  
丹旄歸非易君恩報更難蘇臺多舊雨誰為哭江干  
尋東峰隱居

十年同惜別雙屐獨追尋一徑入雲遠亂山深復深  
鄰翁逢舊識謂吳方如稚子總關心先生命兩孫出見因懷今嗣不覺今昔之感慚愧侯

芭老談經未賞音

游白雲泉精舍留似懷本上人

登頓到禪扉  
深林鳥不飛  
老僧無世法  
野客自忘機  
坐石弄流水  
穿雲歷翠微  
晚歸情亦好  
回首戀殘暉

壬子季春經鋤堂賞牡丹

又值芳菲日  
重來把酒卮  
不愁開易落  
但覺老相隨  
誇盡回風舞  
難勝浥露垂  
明年或歡賞  
誰健復誰知

舟過玉柱山房

偶發看山棹  
來過玉柱房  
一林蒸木火  
數里焙茶香  
松老自為石  
人閒亦化羊  
此中真絕俗  
不信有滄桑

蟻

花底深深見  
籬邊擾擾多  
無隄真是夢  
破拍不成歌  
暖後時相值  
寒輕肯暫過  
平生漂泊裡  
對爾意如何

病燕

潑翠樓梁燕今春復至已成孤翼永夜啁啾  
若泣若訴未幾病息巢中不復能出簾間矣  
有鄰燕一雙朝夕繼至飼以蜂蟻輒不食後  
以花英竹淚悲呼強致稍稍飲啄似憫其孤  
疾而相勸勉者樓中人感其意倩余作詩以  
弔之嗟乎燕燕如是於人柰何遂不復聲

愧把生花筆長吟病燕詩經年成契闊春日獨羞池  
有類頻相顧多愁定不支樓中年少客遮莫減紅姿

候鴈

雪淨依南徼春穠向北荒關山元逆旅煙水定何鄉  
飄泊嗟時序艱難屬稻梁音書君莫負情到玉門長  
舟出蠡濱聞鴈因念姚氏先好

櫓聲驚客夢蛩語亂愁腸起視窳天閣中心感雁行

家貧身盡瘁親老痛難忘

先妣臨歿曰吾事舅姑生事死葬於茲有年矣兩男

兒雖未受室幸已成丁賴吾弟善視之吾於婦道亦可稍盡但父母年老不能侍奉反來哭我惟此一事為恨慚愧燎鬚拙囊無海上方

中秋夜對月寄懷孫太史

叶飛

豈意金閨客能憐草莽文平生幾知己四海一逢君  
長劔淨如練悲歌響遏雲遙知湖上月亦照念離羣

胥王廟

萬古英風在荒祠壓水濱父兄雙殉國吳楚一孤臣  
蒼鼠驚颺瓦靈鴉噪遠人平生感慨淚瞻拜益沾巾  
買舟渡湖風雨所阻仍寓招隱園

四顧青山失茫茫地軸浮波濤千尺雪風雨一天秋

前路憑誰問，孤篷何處收。依然愁坐裡，吟望暮憑樓。  
再游翠峰寺留贈芳傳上人

獨愛翠峰寺，重登古道場。壁間尋舊墨，窓下數新篁。  
遲客茶瓜雜，投林枕簟涼。更分香積供，不欲說休糧。  
遣悶

長日惟酣枕，斜峰半抱門。何人勞往返，一雨竟晨昏。  
山菓落荒逕，水禽鳴遠村。故園諸子在，最憶共芳樽。  
雨夜

坐聽空簷雨，隨風斷復聯。從頭追往事，枕手撥殘編。  
常恐病佳日，可堪閒少年。淒其殊不耐，秋草漫粘天。  
自東峰歸掃葉莊舟中先寄示不倚

又向煙波裡孤帆渺渺懸遙知依返照獨立望歸船  
多病翻憐汝逢場愧問年近家籌老幼頻計橐中錢  
雞犬喧相繞歸人到艸堂問時先藥餌餘語及蠶桑  
潛聽書聲細欣逢夏日長驕孫和幼女漸覺並成行  
林松址書來報太夫人喪先此代唁

故人千里外遺我一函書上有慈烏淚遙煩雙鯉魚  
士林嗟畫荻賤子欲陳蔬無柰重山水迢迢阻素車

登昭明讀書臺聯句

吳侶鷗

陸桐山

不俸尋幽履白相攜上古臺千章喬木合侶數仞碧

峰迴相斷澗迷荒艸白殘碑卧野苔風流今已矣侶

憑弔一徘徊白

辛峰亭聯句

吳侶鷗

吾愛虞山好登臨復此亭  
白海空天漠漠雲淨鳥冥  
冥侶野色侵衣冷嵐光入眼青  
白徘徊不忍去落日  
在郊垆侶

餞馬與吳侶鷗席寶箴刻燭分賦

可惟風簷下丁丁入夜深  
悠揚千里夢宛轉五更心  
靜發初聞磬頻鳴失弄琴  
虛窗愁不寐殘月黯桐陰  
哭徐滌躬

十載舊徒侶情親只數君  
可憐牢落日又作死生分  
兒女啼空總精靈倚暮雲  
遲余搯病骨誰共細論文

秋聲

蕭瑟動簷楹空齋淒復清自茲驚物候轉覺負平生  
落木紛何急銀河耿正明關山此遙夜誰得不傷情

秋風

斷續哀鴻起蕭條葉亂飛清商動天末白髮苦思歸  
併送砧聲急平添月暈圍關山正戎馬淚濕遠人衣

秋月

故故清光滿明明照獨愁那知它日夜還倚此時樓  
珠斗入懷轉銀河接座流翻飛羨烏鵲遙見帝城秋

秋水

從來清可鑑此日覺含情碧帶青山繞寒將白鷺輕  
岫楓看倒影霜月浸孤明袞袞歲華去魚書念友生



秋蟬

嘒嘒全無緒，偏遺物外音。  
蛻輕殘葉亂，風急細吟沉。  
夕露清難飽，高天恨不禁。  
平生遲暮淚，為爾亦沾襟。

秋雁

飄泊危矰繳，艱難萬里身。  
纔聞朔雪已，復避殘春。  
遙夜愁聽汝，孤鳴更惱人。  
稻梁何可託，空負往來頻。

秋柳

搖落羣芳盡，蕭疎爾尚榮。  
那知霜露候，猶繫別離情。  
謾舞誇春苑，垂條憶漢營。  
玉門關外客，愁絕晚吹聲。

秋郊

爲惜風光澹，行吟引杖藜。  
遠山橫野斷，落日向人低。

次第村春起蒼茫夜色淒不愁歸較晚正恐路多迷

秋夜

肌潤嫌羅薄河低覺露繁遠人隨夢到殘月隔林昏  
村暮砧聲急風高雁陣翻關山何可望起坐欲忘言

五日

菰米沉江水菖蒲泛酒卮九歌心欲折五日意兼悲  
公子題靈字佳人繫絲絲當門懸艾虎辟惡總堪疑

題荒寺壁

夢中作

爲訪棲禪侶兼聽喝水流遲清疑過雨院冷逼高秋  
不見冥心客空持半偈求茫茫白日下誰與話休休  
賦得薰葭淅瀝含秋雨

憑舷起暮愁望裏盡汀洲蕭瑟一聲遠淒其兩岬秋  
水光連極浦雨氣入孤舟滅沒漁燈外低回欲白頭

追念亡女補

兒云補返南洋宮侍直矣亡  
兒汶在半珠仙府故追念之

一病拋慈母三年斷我腸生前憐早慧死後侍空王  
海上明明月壇前瑟瑟香仙山逢爾弟舉示恨誰長

武寧祠

山河遺恨在血戰幾忘身豈有風雲護維留俎豆新  
衣冠徵故舊第宅漸沉湮神馬嘶空夜猶驚蕩蕩敵塵

普生泉

幾度滄桑後依然徹底清石欄殘字在玉虎野苔生  
我欲憑輪瞰誰能抱甕傾祇應無事日相率繞吟行

蝶

飛飛小苑西冉冉過芳蹊白就梨雲重輕容柳絮齊  
臺前魂欲斷花底夢多迷爲上釵頭舞應教翠鳳低  
頻來過小園又欲出前村吹絮兼無定飛花不自翻  
素娥惟是舞倩女未歸魂可畏黃蜂妬相將褪粉痕

螢火

末光纔一點乘暗肆羣飛聞道曾臨卷相看欲上衣  
夜簾通箇箇腐草本微微向曉將何託潛形無地歸

村夜

處處柴門掩蕭蕭斷客行栖鳥驚月起漁火隔溪明  
詩自孤吟苦愁因對影生不知城市裡誰共此時情

喜雨擬杜

三農殷望久五月始聞雷  
接地濃雲合兼天驟雨來  
不愁傾海盡莫使濯枝回  
帝力誰能頌狂歌老眼開

野望

古原時曳杖極目轉依依  
飢鳥投荒寺行人趁夕暉  
戍邊哀角起沙際晚漁歸  
自可狂吟遣何須擬采薇

望雨

雲薄不成陣風高又放晴  
眼看畝坼力盡桔槔聲  
石燕有時舞河魚應驟傾  
聖朝無酷吏折獄最公平  
陪隴西公雨後尋梅至許菴

麥隴纖纖碧溪流  
瀟瀟清林花舍宿  
雨鳥語弄新晴

一徑穿香國聯吟入化城機心消欲盡猿雀漫相驚

鹿

濯濯人爭羨呦呦空好音一從供玩賞不復遂山林  
籠檻身為累庖廚慮更深有文終自晦玄豹得機心

穉聲

人自悲遲暮千聲共一愁關山劇搖落天地正清秋  
仰樹看危葉臨風憶舊游壯心殊易改衰颯復何求

秋夜

虛窗涼月墮不寐更愁生蛩語何曾歇天高豈易明  
永懷鱸味美誰念葛衣輕百計終非是悲風入戶清

秋蟬

哀吟誠可念幾樹夕陽天委蛻終遺世藏陰亦苟全  
高危將墜葉繁急未調絃為爾悲秋淚風前更泫然

秋柳

非復舊風光行人枉斷腸腰憐今日瘦眉恨去時長  
不關楚宮舞偷悲漢殿涼只應陶令宅蕭瑟帶斜陽

秋風

涼颼起蘋末天際亂浮雲落木何多感空山一夜聞  
已摧遊子袂更斷塞鴻羣不盡蕭條意還疑送客分

秋雲

一片隨風起漫空散晚陰可能纔觸石便爾仗爲霖  
影入疎林暗涼分小閣深何勞極目望終負及時心

秋月

共道清暉好，爭看桂影長。  
極明終是夜，持滿本無常。  
況值悲涼候，空流皎潔光。  
南樓乘興客，千古九迴腸。

秋雨

微雲閣疎雨，斷續灑秋聲。  
殘暑隨時去，新涼入夜生。  
渚蓮愁更落，螢火濕還明。  
最是吟牕上，因風淒復清。

秋閨

小院桐陰破，空階素月流。  
淚拋金剪澁，人在玉門秋。  
物候悲團扇，年華感白頭。  
憑誰傳郵重，戎馬幾時休。

重過丹陽道中

留別野店主人

驛路崎嶇日，重來已十年。  
風塵勞物色，僕馬愧依然。



影落征鴻外，心孤野店前。  
煩君親接轡，相送慰華顛。  
雨中望茅山

四野雲稠疊，雲中山有無。  
可憐窮望眼，何處是仙都。  
覓徑涉泥水，回頭失僕夫。  
此生誰縛汝，辛苦事征途。

贈奕士

程蘭如

憶昔白門道，別君風雪中。  
九年重把袂，四海各飄蓬。  
敵手知何處，故人皆老翁。  
從教柯爛盡，一局與誰同。

重過翠峰贈芳傳上人

曾向招提宿，今來已十年。  
時艱驚老瘦，久別重留連。  
頑石誰相契，蒲團坐未穿。  
殷勤山月上，送我出前川。  
挽李明古

家以琴詩破名留翰墨清艱虞當此日契濶竟平生  
竹馬遺通子玄禽弔玉京自然堪一哭何必論交情  
秋日卧病一瓢齋

炎威何自歇秋意滿林園颯颯催殘葉紛紛下短垣  
端居恥貧病向老念兒孫掬盡臨風淚誰招遲暮魂  
秋夜泊垂虹亭下

橋鎖湖波靜舟輕入夜清蛩聲來客枕秋思滿江城  
身世悲浮梗闕河老此生殘燈半明滅試問若為情  
賦謝李大中丞見過

不惜高軒枉來過野士虛心知寬禮數誰復避樵漁  
生計頻垂問時艱愧索居藥欄無恙在乘興好停車

題合硯

製自寒山客磨礮出護村合時全氣象劈處認乾坤  
青鍊從穿穴澄沙未有痕一編今老我相守掩柴門  
讀吳季子碑及石曼卿墓碣

千載佳公子墳連仙塚平爭傳留劒義誰鑿上書誠  
風雅興亡繫兵戈用舍明兩碑苔蘚滿捫讀不勝情  
東山逢徐靈胎

相值東峰下相看鬢欲霜年華共流轉意氣獨飛揚  
四座驚瞻顧連城且蘊藏如余空說劒無路埽欃槍  
白雲洞

歷盡崎嶇境來尋古洞天白雲封磻戶流水下晴川

猿鳥投林外，星辰落杖前。不教鼯思發，自擬絕塵緣。  
題高柳鳴蟬圖送李孝廉方明還蜀時李從事  
溫使君幕府溫奉檄入 覲李就假歸省

託跡憑高樹，煙絲拂岸輕。露寒終不飽，風急豈成聲。  
薄翼明殘照，虛懷抱遠情。山程兼水驛，一聽一心清。  
秋日卧病一瓢齋

獨卧空齋晚，驚看物候更。殘燈雙鬢短，細雨亂蛩鳴。  
情緒驚搖落，詩篇渾漫成。不能駢老病，自笑學長生。  
以九谷集已畦集寄徐殿撰

九谷篇篇穩，橫山句句豪。一時存大雅，千古絕風騷。  
嶺外誰知己，江東屬我曹。遺君共欣賞，剪燭下松醪。

客愁

日日登樓眼迢迢故國心吟燈晦寒焰宿鳥警風林  
留滯人頻識艱虞氣自沉青衫數行淚華髮恐難禁

一瓢齋詩存

河津薛雪生白

寄沈廣文

才是微之姓亞之名區應已遍題詩  
踈狂詞客猶餘我清慎文人近得誰  
南頓鶯花聞似夢官河楊柳可成絲  
秋來煙雨雷塘夜一榻因君話舊時

過先師分湖故宅又至橫山別墅

一日孤懷兩世情橫山分水各心驚  
文章先後仍聲價涕淚滄江竟死生  
蒼冷何人還駐馬柳荒無主斷鳴鶯  
居人指點岡頭地午夢春深草色平

寄挽馮服之

有客遙將酒一卮  
澆君墳土哭君詩  
銅龍焰盡人何許  
銀箭聲催夢詎知  
落拓名場驚短髮  
辛勤殘卷付佳兒  
重來總有千金劍  
腸斷斜陽空淚垂

旅夜懷徐星五

蕭騷落葉捲庭隈  
簾箔悲風影半開  
夢壓寒衾成復破  
鼠窺殘焰去還來  
劉蕡下第應餘恨  
庾信思家正可哀  
得失與君相近分  
鴛湖風月滯清才

金五峰先生八十

先生與先君同預鄉飲

齒德文章第一流  
眼空朱紫付沙鷗  
米顛懷袖峰巒古  
謝傅門庭花木幽  
亥字憑將推甲子  
椿林聊復歷春秋  
籃輿杖履時乘興  
還向山陰蕩小舟

送春日作

遽遣深杯已較遲平生莽莽不堪追  
流鶯飛絮此何日弄葢牽條看異時  
放眼亭臺興廢感回頭花鳥古今悲  
真知老去憐佳節寂寞風光催鬢絲

黃泥嶺

崎嶇一步一羊腸曲曲連雲石  
逕長天際浮螺分岫色眼前明鏡捲湖光  
千村綠樹欣過雨十里紅渠遠送香  
憑眺却忘歸路晚鐘聲何處下斜陽

莫釐峰露坐懷清虛壇諸道侶

莫釐峰下露團團斗影闌  
千月影殘山自雨餘添黛色  
鶴因人靜上松盤天心不薄  
初容懶雷府需才更



署官轉憶同叅諸道侶此時清磬禮星壇

奉和觀察公原韻送林屏山歸閩

羨君不復歎飄蓬作計踈狂肯熱中剩有文章驚薄俗更無奇事付書空重來吳水仍孤劔歸去閩山又短篷倘憶李膺門下士裁詩時與寄冥鴻

送春

來時漠漠去堂堂減盡腰圍斷盡腸長短亭前花作誄悲歌世裏醉爲鄉銷魂沁骨纔三月墮白飄紅又一場回首舊游池館靜絲絲煙柳綠成行

和友人再寓北園精舍

吾亦愁多未息機與君俱是世相違一燈夜雨悲蓬

梗兩髻秋風老布衣  
禪榻何緣今再下  
羸軀無翼幾時飛  
茂先凋謝宣城死  
江左人文久已非

弔東海墓

邱隴栽栽傍水隈  
曾隨雙雀弔陶來  
土中自昔原埋玉  
海內於今少愛才  
望斷夕陽情幾許  
生存華屋首重回  
高陽徒侶頭俱白  
誰向楸陰奠一杯

牡丹

年年開落暮春時  
百計殷勤與護持  
常恐艷隨風日散  
還愁情逐別離  
痴翻困脉脉疑心  
許自倚亭亭肯後  
期最惜五更香夢  
穩不勝清露濕輕  
枝

雨中泛舟分韻得秋字

疎雨斜風舴艋舟布帆無恙水悠悠久隨鴨隊雄稱  
長又逐鷗盟浪作遊不遣笙歌吹短夢何妨砧杵搥  
清秋黃花開處重陽近還擬和君一唱酬

白燕

舊壘重來弔玉京烏衣身著縞衣輕啄殘花雨紅應  
浣剪破春江綠未成翡翠樓前頻顧影水晶簾下略  
聞聲遙知獨有襄州月曾照雙栖萬古情

翩翩縞袂忽相過掩映珠簾意若何錦瑟只教銀作  
柱鴛機應有玉爲梭欸隨蝶隊翻紅雨輕逐楊花點  
綠波莫向朱門留素影從來金屋誤春多

次吳兼三對雨書懷元韻

一庭疎雨太霏霏  
客夢驚回意未恬  
與世自矜猶有舌  
趨羣無那不如髯  
才因興減詩慵續  
裘逐愁來鏡懶拈  
安得洛陽多負郭  
明朝歸去事長鎌

連宵聽雨鎮綿綿  
鬧埽花枝惱獨眠  
愁拒酒兵偏負固  
夢隨心力苦周旋  
浮雲似客終無定  
華髮欺人易滿顛  
決計疎狂休悵望  
一竿烟水五湖天

冬夜感懷聯句

席寶箴

吳侶鷗

丁丁寒漏滴三更  
箴 寂寞空齋此夜情  
亂雪灑窗孤夢杳  
白 殘燈照眼旅魂驚  
贈袍須費金難覓  
鷗 愛客平原世莫輕  
自古才人多落托  
箴 漫將八斗占浮名  
白

復集娛暉堂聯句

三回剪燭話同心白把酒相看意倍深  
寒月烟銷仍皎潔  
鷗殘更酒醒轉侵尋  
興當豪客偏忘倦葦愁聽  
荒雞空好音  
人世從來分手易白一宵良會抵千金

賦得二月已破三月來

蒙茸微帳綠生塵  
艸艸鶯花一半春  
百里光風無事日  
午窗清夢少年身  
重重樓暗藏鴉柳  
漠漠香吹墊雨中  
誰道此時風景好  
就中愁殺苦吟人

傷馬

永夜悲鳴想溼漉  
風吹紅鬣亂長麻  
病侵龍骨無人

顧瘦盡蘭筋有卧花自逐青驪歸海上誰將赤驥過  
流沙不堪重到槽頭望首猶橫陳待駕賒

病深空盡骨嶙峋未遇孫陽最愴神顧影自憐雙耳  
竹斷腸誰鑿四蹄銀空思玉勒嘶芳艸無復香鞵踏  
晚春一種南來紅叱撥大堤晴日逐雕輪

淫雨

淙淙密密滯簷隈萬里濃陰罨不開過客幾人惟笠  
屐壞牆無處不莓苔泥蛙入戶聲如鼓野水平田浪  
作堆却笑九天乖號令黃梅時節誤鞭雷

樓東

頻向樓東夢采蘋不知已判死生門風前痛忍看花

一粟承言不  
六  
淚月下難招去國魂春事只今多悵望吟窗惟覺易  
黃昏十年身世誰相負直任啼痕浣酒痕

逢舊

八月涼風吹夢思昔年惆悵到今時丰神契濶還依  
舊良會艱難怕重期遼海鶴來煙水遠草堂人去夜  
吟低不堪走馬東西別蹀躞留暉門外嘶崑山西門名

白門送李耕夫還閩

吳山越海幾千里蔀屋高門兩不侔弈世憐才容接  
席平生感遇憶重游華陽道上連錢馬楊子江頭一  
葉舟同是言歸君更遠離人相訴客中愁

白門感遇

又被飢馱到白門倚殘紅日坐黃昏松楸無計安泉  
壤襟袖頻年滿淚痕豈有才華工賦恨敢勞知己與  
招魂匣中長劍摩挲遍只恐難酬國士恩

登富春江樓

擾擾車塵苦未休望鄉目斷此層樓千山翠重半輪  
月萬頃波平一葉舟  
明滅漁燈移遠岬離披江草立  
閒鷗可堪回首聽潮落蓬梗天涯不散愁

和謝滄湄村居

稅已無科夢不驚柴門終日掩松聲看山偶倚過頭  
杖煨芋時挑折脚鐺細雨夜春村犬吠淺溪落落葉野  
船橫此中自有生涯理何必滄浪羨濯纓



春去

底事愁生酒力殘  
壓簷枝上小梅酸  
無人庭院苔空碧  
睡鴨池塘水正寬  
疎雨未因成午夢  
晚風惟解弄輕寒  
柳花如雪頭俱白  
暗眼蕭蕭不忍看

悼吳鍊師

紫府何因有劫灰  
道人握掌絕風雷  
別時瑤圃翻紅藥  
再到雲房掩碧苔  
花落月明人不見  
樓虛風冷鶴歸來  
可憐長短浮生夢  
獨立寒酸酌一杯

感懷

逝波不盡向東流  
荏苒年華一轉頭  
入世何門堪擁篲  
放懷無計欲登樓  
貧來書卷皆為累  
老覺人生半

是愁聞道五湖煙景好此中容得幾羊裘

秋夜

荳花窗下坐微涼三尺孤桐六尺床空院葉飛風瑟瑟疎簾月冷夜悵悵病當時暮難回首愁入秋聲易斷腸千載人能知宋玉獨悲搖落髮如霜

春遊

路入花叢斷復連溪流不盡水潺湲悠揚蛺蝶迷芳艸淡蕩風光泣杜鵑仰秣馬嘶邨店雨喚船人立綠楊烟肯教頭髮霜華早曾讀莊生第一篇

輓橫山已畦葉夫子

吟殘花月滯橫塘門下空聞半廟廊至竟馬卿常屬

疾何曾張湛有神方  
閒庭秋盡眠飢雀  
蔬圃春深長野棠  
故宅臨江悲宋玉  
騷魂何處水周堂

懷人泣影夜迢迢  
賦盡吟魂未可招  
抱病東陽惟是瘦  
僻官虞寄素無聊  
青園別墅山層疊  
紅落閒窗花寂寥  
秋雨恹雅啼燒外  
空祠松柏冷蕭蕭

暗風獵獵水悠悠  
九里橫塘花木愁  
澗戶淒清連遠色  
祠堂岑寂鎖高秋  
苔經細雨侵碑石  
鳥趁斜陽入妓樓  
他日諸生空會葬  
感恩誰最泣西州

白髮詩人思不窮  
飄蓬垂老向尤工  
半生事業遺荒墅  
一片銘旌對曉風  
煙雨楓人招不得  
薜蘿山鬼語難通  
先生死後斯文絕  
泣望秋雲薦晚菘

旅懷

連床話雨一燈殘  
髮影蕭蕭夜正寒  
文字有神應泣  
鬼  
劒花無蝕好登壇  
通宵鄉夢圍孤枕  
盡日離愁壓  
繡鞍為問丹梯雲上路  
何如煙水洞庭寬

咏楊柳送友人

長眉未展帶先垂  
婀娜難禁拂舞時  
宿雨藏鴉人別  
處  
曉風殘月客何之  
陰成灞水旗亭晚  
花落隨堤舊  
苑  
遲最是楚聲歌不得  
大江南北綠參差

寒食日

春風吹我秣陵城  
江柳江花照眼明  
人共家山千里  
月  
夢回孤館一聲鶯  
粘天好事迷芳艸  
盡日微吟數

落英去住兩端判不得又逢寒食倍闌情

燈花和李大中丞原韻

甲折何曾夜雨催  
鮫珠明珮結層臺  
已判香閣全身現  
肯露春風半面開  
低向瑣窗和影坐  
艷欺仙杏倚雲栽  
漫因殘局輕敲落  
一點芳心不易灰

大枝初吐小枝催  
累累聯芳映鏡臺  
初似丹砂聊作戲  
更疑金釵不輕開  
星眸合向光中轉  
寶相何妨火裏栽  
儂自無媒伊自落  
寸心從此欲成灰

萸煙銀箭遞相催  
暈落金莖照畫臺  
舞罷檀心剛半吐  
夢回紅莖十分開  
寶花解作相思纈  
珠樹原從並蒂栽  
繡袂香蘇慵不起  
倩將綵筆贖餘灰

池塘七夕

天上人間兩阻修野塘銀漢各橫流  
經年離緒消殘漏一月情懷似九秋  
清淺未應通桂檝迢遙無計到  
鍼樓中庭犢鼻從相誚好典黃公舊酒籌

雙柳主人招飲即席分賦玉蘭得如字

銀鹿銜來尺紙書傳言花徑是親除  
當筵好客惟張雨直道逢人待史魚  
分賦不辭題最冷冥搜真恐比  
難如還疑參佐橋邊宅誤入唐昌舊主居

閨苑神人把素書粉雲香霧下庭除  
霓裳罷舞月初墮酥面朝天玉不如  
一笑一嘖勞想像半含半吐自  
躊躇遙知煙雨樓頭客腸斷西陵油壁車

一粟子言  
七二  
謔柳

漢南渭北弄輕盈陌上隄邊亦送迎  
綰盡相思腰自瘦吹殘羌笛怨難平  
離亭一繫往來馬小苑猶藏早晚鶯  
誰向星垣看兩樹永豐坊裏舊多情

留別葛博成

余居為博成所有

手自誅茅費剪裁十年堂構為人開  
藍田金谷都如是綠野平泉安在哉  
狗不嫌貧隨主去燕惟戀舊認巢來  
他時若許閒攀話我漫相過爾漫陪

初夏

不定陰晴四月天輕寒輕暖倩誰憐  
柳因春盡愁無力蠶為絲多起復眠  
閒捲疎簾通燕乳試題團扇寄

吟箋桐花滿院苔痕碧長日消磨似小年

贈汪山樵

憶共金門獻賦時而今兩鬢各成絲一麾何惜劉司  
戶三黜真憐柳士師老去無家尋舊雨貧來多病著  
微詞嗟予袖手青衫久看盡輸贏局上棋

宿雁

輸它鶯燕語森森倦翮何由借上林寤寐敢忘千里  
別稻梁偏重五更心異鄉煙水羈孤慣故園雲山入  
夢深矰繳比來當路滿蕭蕭蘆荻更難禁

篝筆驛

獵獵旌旗擁萬夫霜嚴刁斗坐訐謨心摧一劍三分



國氣盡長蛇，八陣圖不死。孤臣終報主，漫勞天討失。  
吞吳門前流水猶嗚咽，似恨譙周漏顯誅。

默默含機細較量，桓桓旌旆老疆場。便教費董能經國，那有關張更贊襄。百世空思興禮樂，一身早已繫存亡。只今猿鳥驚啼處，猶畏當年令似霜。

華清宮

天際笙歌綵仗回，翠微深處盡樓臺。萬方臣舞窗中見，一騎星飛嶺外來。玉笛何心吹法曲，金風連夕落宮槐。關山總有平安火，無復當年浴殿開。

燈花

艷質多從火宅看，還應深護莫輕彈。如來亦自名金

粟獨樹何妨似木難不藉春風纔爛漫豈能夜雨得  
摧殘無賊漸覺消磨盡老我蕭蕭鬢影寒

壬子七月十六水窗社集風雨阻舟白公堤感

賦

老去鄒枚逸興存載將吟筆過閭門風翻座上新詩  
卷雨洗襟前舊酒痕短簿尚留他日祀真娘應有未  
消魂甘棠回首今何在醉眼迢迢望欲昏

依韻答翁琢山

登臨猶喜藉餘暉把酒深談意不違海內交情誰最  
是老來佳句和應稀望中黃葉飛孤棹去後閒雲掩  
畫扉幸有漁莊煙水畔一湖咫尺暫言歸

奉次李耕夫古柳原韻

柔條不省記當年南國風流自宛然  
密赴藏鴉寒食雨淡猶縈恨  
渡頭煙吹殘羌笛春何處老去章臺意  
可憐十里湖光滿細影眉痕依約淚濺濺

偶以盆中金魚饋達夫徐殿撰作詩見示依韻

奉答

鱗甲非關渲染妍洋洋宜寘一泓泉  
竿頭香餌誰相羨客裡秋風思暗牽  
豈為逆流慚點額漫勞燒尾待冲天  
刀砧多少銀絲鱸游泳何如在檻前

歲暮書懷

依然梅蕊報春回點盡霜華髮已摧  
去日立錐猶有

地而今避債亦無臺所居已屬他姓自添敗葉留餘火不羨  
鄰翁撥舊醅擁鼻孤吟成底事破窗風雪打頭來

辛亥七夕

待到金風玉露時仙家亦自有相思非關天上銀河  
隔直是人間歲月遲一載幽期雲易散五更別思鵲  
先知中庭瓜果殷勤薦乞與機邊采色絲

戊申除夕

一點殘更一載情百年情緒五更聲孤燈背壁夢初  
破聞鼠上堂雞亂鳴往事誰教如昨日春風何力到  
愁城眼看物色還依舊髮裏霜華已暗生

一瓢齋詩存

河津薛雪生白

詠雲

冉冉因風起微微托月明何如作霖雨四海潤蒼生

蛩

露冷空庭下悲吟卒未休愁腸迴易斷况復值清秋

觀碁

爲欲成無敵深沉落子遲有人常袖手看爾到殘時

杜司勳

走馬膺三郡關心乞一州春光不相待白髮夢青樓

新柳

蘸水新楊柳無風亦動搖如何三月暮離恨自條條

井梧

涼飈吹碧樹葉葉是秋聲一墮井欄外天涯何限情

酬李孝廉贈劍

分作書生老多君贈太阿幸逢無事日安用十年磨

破鏡

誰遣明於水妍媸人自知如何與圓月一樣有殘時  
無復助晨妝難容匣底藏碎身原不惜片片有清光

晚晴

日薄雲初破風輕望眼寬獨憐幽艸意猶自怯餘寒

小松

坼地纔盈尺叅天未可期從來巖谷畔養得最高姿  
未有凌雲幹偏能耐歲寒誰從繩墨外仍作大夫看

一瓢齋詩存

河津薛雪生白

題畫

重重山色落柴關  
長日無塵景象閒  
安得此中能著  
我一生跌坐對青山

題周勒山陳蔚軒林下詞選

黃絹新詞出女郎  
聲聲字字頗生香  
周郎天死陳琳  
老更有何人解斷腸

楚江吟

彩筆曾提共繡床  
委人商略譜鴛鴦  
今朝不是愁難  
寫一字吟成淚萬行



多情人好證無情情共青楓幾度生月到墓門妝鏡  
皎白楊猶作管絃聲

瘞鸚詞

雕籠閑控玉鈎斜何處香魂尚憶家悟得色空空色  
語舌根應有妙蓮花

綠衣偏得主人憐般若經聲五夜傳畢竟慧心翰薄  
命落花和淚葬殘煙

家山萬里夢來真負殺能言繡羽身從此旅魂歸去  
好一杯茗勝更依人

取次清詞憂玉哀爭憐如慧葬花臺休題賦筆識黃  
祖世上從來少愛才

絮雲花雨弄春寒生已無聊死不難若自隴頭逢郭  
浩也應能問主人安

輓霜竹潛壑上人來說

聞道攜將隻履還重追陳迹一潛然自從柳檻橫擔  
去截斷人天十五年

二葉堂前始識君清吟雄辯出同羣毘陵煙樹橫塘  
水兩處茫茫總斷雲霜公與余俱出  
橫山先生之門

從教炙膊覓醫人難起文殊後化身放下風幡俱不  
動一重公案又番新

題畫

爲誰曉起畫雙蛾忽忽凭欄意若何綠盡垂楊紅到

杏眼前春色惱人多

子午谷

半生鍊甲走疆場奇正何曾不較量一旅孤軍當仲  
達至今遺恨魏文長

娛暉堂席上留別心逸玉照昆弟

多病憐君正妙年藥鑪聲裡共周旋  
起珍重朝寒暮雨天

連天風雨苦漫漫此夜樽前話別難  
一曲陽關兩行淚與君攜手暫盤桓

看劒雄懷最數君連床話雨結同羣  
不堪遽作臨河別好待離人酒半醺

白公堤雜興

闔閭城外參差柳，斟酌橋邊爛熳花。  
遲我酒旗歌板地，踏殘紅日未還家。

錦纜牙檣次第來，堤邊花鳥漫相猜。  
游人自愛真娘墓，不到前山不肯回。

香風輕捲紫騮塵，個個垂鞭側帽人。  
笑我杖藜拖蠟屐，自驅詩酒趁閑身。

送陸子上游之白門

衰柳河橋落日昏，客中送客愴離樽。  
蹇驢襜被秋風裡，黃葉丹楓到白門。

春堤

仰秣臨風駿裏嘶  
路回村店酒帘低  
落花無語春堤  
暮不盡垂楊罨畫溪

柳濃

柳濃花繞暗回廊  
亞字欄邊弄玉璫  
懊恨春風太無  
賴等閒吹入鬱金堂

盡日

盡日無聊思黯然  
鳥啼花落小窗前  
石城艇子無消  
息絃帳涼生不得眠

不寐

漏稀雞唱五更時  
花影朦朧月影移  
舊事新期倍惆  
悵銀河絡角玉繩垂

來時

來時花事尚參差  
去無聊只費詩  
待得春風到今  
日小桃已放過牆枝

微詞

微詞清憂古無倫  
吟殺登牆看玉人  
記得江干遺珮  
處斷腸時節月如銀

柳堤

柳堤驕馬玉鞭長  
共惜芳華暗斷腸  
况是天涯秋欲  
暮一燈風雨話連床

和友人春愁原韻

柳眉深鎖杏初殘  
老我閒愁有萬端  
最不分明歸夢

一粟存言不  
三  
覺惱人春色客中看

客窗雜感

負郭曾無二頃田，敢將書劍漫留連。  
只因一節情難忘，帶月飛馳驛路煙。

甘旨從來藉負薪，依依慈母髮如銀。  
天心不解人心苦，但放春歸不放人。

人情蒼狗幻多般，世路艱於百里灘。  
幸是塵心消折盡，不曾馳馬入長安。

曼倩詎諧豈自由，侏儒飽死不知羞。  
願容長揖歸東海，懶共人間肉食謀。

滿紙春愁是淚痕，憑君一語返柴門。  
床頭長劍分明

在他日先應報此恩

贈黃尊古

濃不成痴澹不無一豪端有一工夫江山萬里經行  
遍不盡荆闕董巨圖

吟示津吏

從來湖海路行難只有閒愁不稅官我却愁多攜不  
得空囊羞澁任伊看

咏山雞

舞絕襟裾鏡裡身何如飲啄任天真此生已被文章  
誤未必陳倉更有神

疊韵答汪虛谷



白戰場前作領軍山靈何處勒移文願將借月留雲  
句笑指鴻溝割與君

春菘秋菊各當時絕巧何妨與偃師若把文章論得  
失古來只有寸心知

題課學圖

費盡辛勤萬卷餘誰知窮遠有乘除雞聲燈影原無  
謂多少英雄不讀書

枉羅星斗貯胸中刮目何人問阿蒙栽遍門前桃共  
李看他桃李笑春風

送春

殘紅芳艸動離愁轉眼風光又勝游歲歲自來還自

去就中空白世人頭

襪

冰紋裁趁軟鈎新步步香生水面塵一自馬嵬零落  
後何人還憶洛川神

蠟梅

密蕊叢條亦自芳與葵顏色與犀香如何檀口偏牢  
緊不共東君說斷腸

夢中常返讀書堂依約橫斜一樹香賞遍欄前天欲  
曉忽驚身已隔東墻

僧摩齋頭臘梅  
係余手植故云

林下曾逢冉冉過夢中風調復如何山深雪滿寒侵  
額更裹鴉黃一幅羅

瑟瑟寒香落落開吟窗一樹手親栽種花人作看花  
客可許花時幾度來

詠史

傾城傾國肯傾身白羽書來入獵塵宮燭欲殘人未  
醒晉陽兵火照橫陳

一鎖臨春帝座移六朝煙柳雨絲絲無情最是韓擒  
虎不放栽成辟月詞

數里聞聲清夜歌香車寶輦度黃河廣陵寒月空流  
水回首何堪問阿摩

嘯兵西噪破秦圍三月咸陽烈焰飛一曲楚歌聽未  
半英雄淚濕美人衣

莫言紅艷太傾城，息破難教楚更傾。  
未得驪山褒女笑，只應宮裡忍無聲。

新聲協律關文機，學士宮人笑解圍。  
不覺山川舊如此，風塵又撲入隋衣。

鬢影蕭蕭不見推，茂陵閒殺長卿才。  
黃金賣得長門賦，又為文君取酒來。

人日示內

甲子占豐值上元，豪家應已剪春幡。  
白頭姑病慵閒事，好伴探梅向小園。

蝶

輕風護粉穿微帳，細雨憐香過苑牆。  
落盡殘紅歸不

得一春心事為花忙

蝴蝶花

青陵臺畔飄衣日金谷園中墜粉時為有芳魂消不  
得好風吹上合歡枝

草

衆芳落盡綠千叢廢宅門前荒寺中流水渡頭無限  
思故園亦自有春風

月夜歸舟

青山倒影寫橫流涼月澄空送客舟自覺絺衣輕露  
濕忽驚身已入清秋

謁李都鎮題呈慕給諫

住比長沙賈傅身歸同季子悔游秦將軍別有封侯  
相哭殺南山射虎人

牽衣稚子惱又思問我臨安買勝時慰道將軍寬禮  
數廐中肥馬許人騎

寄杜太史雲川

美人芳艸思飄然分水新城兩謫仙今日風騷誰繼  
絕江南猶有杜雲川

拋殘別淚陽關曲酸盡閒心子夜歌莫向烏絲闌上  
寫隔江烟火斷腸多

曼倩辭

來時已與歲星符去後還遊海上無四十萬言曾讀

一粟牙言不  
五二  
遍可能溫飽勝侏儒

題古今詩話

上有風人下楚辭河梁五字亦吾師憑將格律紛紛  
說不與金鍼總不知

絡緯

籬萱花前徹夜鳴一聲聲展紡車聲可知貧女心孤  
絕泣盡秋風織未成

韓淮陰垂釣圖

泯泯江流萬里寒英雄多少老漁竿時來報母千金  
易此日逢人一飯難

西湖竹枝詞 為何景炎作

輕羅掩映淚偷傾半是羞郎半畏明  
時所屬意  
正病目 郎住  
吳山儂住越一湖春水兩邊情

哭殤

年來苦境慘難支未了悲親又哭兒  
最是五更鐘欲動黃昏燈火未來時

斷送傷心城上烏聲聲叫落月輪孤  
驕人此際真無柰箇箇偏將八九雛

電影漚花幻莫題鼠肝蟲臂恨難迷  
子雲偏有童烏痛萬古天心竟不齊

多因自我罪難開餘我殘生致爾灾  
姊妹無聊兄寡寞何人同戲草堂來



堂前賓客解逢迎，辨得親疎內外名。今日送兒含飯去，一時為我總傷情。

從來仙質有精靈，鑒否而兄痛鶴鴿。亂我驚魂悲短夢，殘燈閃閃夜冥冥。

失却驪珠喚不應，強含悲淚又何能。除非截斷人天想去，作空山擔板僧。

無限牢愁已熟諳，銷魂今日又傷男。天心着我回頭去，特與人間最不堪。

題貢三姪扇頭畫

月過西牕夜正長，橫斜疎影上東牆。幽禽也解高棲穩，宿向寒枝夢亦香。

贈王太史虛舟

八法家家集右軍誰從一畫認斯文  
昭陵閱後神踪絕虎卧龍跳直到君

翻盡鍾張窠白時永和三日是真師  
紛紛海內徒傳賞未抵山陰道士知

芭蕉

斜封密密不輕看偷轉濃陰映石欄  
獨有離人孤館下青衫濕盡雨聲寒

枇杷

聞道西園載酒看枝頭顆顆是金丸  
無心去逐韓公子曼倩飢來范叔寒

題蘭

翻風解作前溪舞  
泣露猶聞子夜歌  
一片幽懷君看  
取託根無地奈如何

不須憑客問如何  
穠亦無聊淡亦多  
若道幽芳堪鑒  
賞比來空谷有誰過

我自濡毫寫楚辭  
如何人喚作蘭枝  
風晴雨露君看  
遍一筆何嘗似畫師

逢場爭說所南翁  
向後人文半已空  
不是故將花葉  
減怕多筆墨惱春風

題竹

到門有客看能醉  
盡日無風坐亦涼  
但得虛心修勁

節為龍為杖總何妨

題吳湖州亡姬小照

姬名餘君臨浚屬  
以小妹續事湖州

共羨尋春勝牧之如何亦自感空枝  
叮嚀未了三生約付與青溪小妹知

遺世珊珊上玉都鏡中金翠夢  
蘼蕪彭郎莫怨風波惡天與風波嫁小姑

一瓢齋詩存

一瓢齋詩存

四五

埽葉村莊